

氏族典第五百卷

寇姓部彙考

廖用賢尙友錄

寇姓

寇上谷宮音蘇忿生爲周司寇以官爲氏又云衛康叔爲周司寇支孫以官爲氏又望出馮翊

凌迪知萬姓統譜

寇姓

寇司寇氏或略去司然蘇忿生之後爲蘇氏此以司寇氏者未必忿生之裔

寇姓部列傳

周 寇先

按尙友錄先宋人以釣魚爲業居睢陽傍百餘年得魚或放或鬻或自食之冠帶不去體好蒔荔枝日取葩實食焉宋景公召見之問其道不言殺之後數十年踞宋城門鼓琴十餘日而去

後漢 寇恂

按後漢書寇恂傳恂字子翼上谷昌平人也世爲著姓恂初爲郡功曹太守耿況甚重之王郎起況遣恂到漁陽結謀彭寵還至昌平襲擊邯鄲使者奪其軍遂與況子弇等俱南及光武於廣阿拜爲偏將軍從破羣賊拜河內太守建武二年拜潁川太守七年代朱浮爲執金吾十二年卒諡曰威侯子損嗣損卒子釐嗣徙封商鄉侯釐卒子襲嗣

寇張

按萬姓統譜張恂姪偏將軍

寇榮

按後漢書寇恂傳恂曾孫榮少知名桓帝時爲侍中性矜潔自貴以此見害於權寵延熹中免歸故郡吏承望風旨持之浸急榮奔闕自訟未至刺史張敬追劾榮以擅去邊有詔捕之榮逃竄數年會赦令不得除積窮困乃自亡命中上書帝省章愈怒遂誅榮

北魏 寇讚

按魏書寇讚傳讚字奉國上谷人因難徙馮翊萬年父修之字延期苻堅東萊太守讚少以清素知名韋華爲馮翊太守召爲功曹後歸順拜綏遠將軍魏郡太守南雍州刺史賜爵河南公在州十七年致仕眞君九年卒諡宣穆

寇元寶

按魏書寇讚傳讚子元寶爲豫州別駕興安元年卒

寇虎皮

按魏書寇讚傳元寶弟虎皮有才器本縣令

寇臻

按魏書寇讚傳虎皮弟臻字仙勝以孝稱顯祖末爲中川太守轉弘農太守拜振武將軍有威惠之稱遷郢州刺史及高祖南遷郢州地爲王畿除弘農太守坐受納爲御史所彈遂廢卒於家

寇祖

按魏書寇讚傳元寶子祖高祖時爲安南將軍東徐州刺史卒子靈孫赭陽太守

古今圖書集成
寇祖訓

按魏書寇讚傳臻子祖訓順陽太守

寇治

按魏書寇讚傳祖訓弟治字祖禮自洛陽令稍遷東荊州刺史坐遣戍兵送酈道元免官世宗末遷河州刺史爲城民詣都列其貪狀會赦免久之遷金紫光祿大夫是時蠻反於三鴟治爲都督追討戰沒弟彌兼尙書郎沒關西

寇肱之

按魏書寇讚傳治長子肱之字長明自直後奉朝請再遷鎮遠將軍諫議大夫建義中出除東荊州刺史遷金紫光祿大夫武定四年卒

寇謙之

按萬姓統譜謙之昌平人遇仙人成功興與之遊嵩華食仙藥遂隱嵩陽元魏始光中召至闕謙之一日謂弟子曰昨夢功興召我於中嶽仙宮遂羽化有青氣如烟從口中出天半乃消其體漸縮識

者謂尸解後東郡沈猷見謙之在嵩山身作銀色光明如日始知其爲仙矣

寇猛

按魏書寇猛傳猛上谷人也少以姿幹充虎賁稍遷羽林中郎世宗踐位用爲千牛備身歷轉至武衛將軍卒

北周 寇洛

按周書寇洛傳洛上谷昌平人也父延壽和乎中以良家子鎮武川因家焉賀拔岳西征洛與之鄉里乃募從入關以功拜中堅將軍侯莫陳悅旣害岳衆推洛爲盟主洛與趙貴等議迎太祖太祖至平涼以洛爲右大都督從討侯莫陳悅平之拜涇州刺史大統四年從太祖與東魏戰於河橋軍還洛率所部鎮東雍五年卒於鎮諡曰武子和嗣世宗二年賜姓若口引氏封松陽郡公

寇儁

按周書寇儁傳儁字祖儁上谷昌平人也祖讚魏南雍州刺史父臻郢州刺史儁好學強記兄祖訓祖禮及儁並有志行白首同居以選爲魏孝文帝挽郎除奉朝請以功授員外散騎侍郎孝昌中置

鹽池都將以僞爲之永安二年出爲涼州刺史大統五年入關拜祕書監十七年除車騎大將軍魏恭帝三年賜姓若口引氏武成元年進驃騎大將軍開府儀同三司保定三年卒諡曰元子奉位至洵州刺史昌國縣公奉弟顥歷官小納言漢澤郡公

唐 寇泚

按萬姓統譜泚開元中爲宋州刺史元宗至州宴從臣於樓上泚與焉

後梁 寇彥卿

按五代史寇彥卿傳彥卿字俊臣開封人世事宣武軍爲牙將太祖初就鎮以爲通引官累遷右長直都指揮使領洛州刺史善伺太祖意動作皆如旨太祖卽位拜感化軍節度使歲餘召爲左金吾衛大將軍遷河陽節度使末帝卽位徙鎮威勝卒於鎮

宋 寇準

按宋史寇準傳準字平仲華州下邳人父相晉開運中爲魏王府記室叅軍準舉進士授大理評事累遷殿中丞擢尙書虞部郎中拜樞密副使明年拜叅知政事眞宗卽位遷尙書工部侍郎景德元

年命同中書門下平章事是時契丹內寇急書一夕凡五至準飲笑自如請帝幸澶州帝盡以軍事委準準承制專決號令嚴明士卒喜悅王欽若深嫉之罷爲刑部尙書從封泰山遷戶部尙書知天雄軍拜中書侍郎時眞宗得風疾準密令翰林學士楊億表請太子監國謀洩罷爲太子太傅封萊國公乾興元年貶雷州司戶參軍天聖元年徙衡州司馬卒諡忠愍

寇瑊

按宋史寇瑊傳瑊字次公汝州臨汝人擢進士授蓬州軍事推官徙開封會蠻叛移領施州就除大理寺丞知開州遷殿中丞通判河南府召爲三司鹽鐵判官仁宗卽位擢樞密直學士天聖末卒

寇隨

按尙友錄萊公無子以從子隨爲後官至殿中丞

寇偉

按宋史高永能傳永能之亡延州將皇城使寇偉亦力戰而沒贈均州防禦使

寇仲溫

按萬姓統譜仲溫諸暨令興學校廢淫祠民皆稱之

寇國寶

按萬姓統譜國寶徐州人舉進士任吳縣主簿百川學海中石林詩話云余居吳下一日出閭門至小寺中壁間有題詩一絕云黃葉西陂水漫流蘼蔭風急滯扁舟夕陽暝色來千里人語雞聲共一丘意極喜不書名氏問寺僧云寇主簿所作今官滿去矣歸而問之吳下士大夫始知其名蓋與予同年然亦未嘗往來亦漫不省其爲人已而數爲好事者舉此詩始有言國寶徐州人久從陳無己學乃知文字淵源有所自來亦不難辨恨不得多見之矣

寇平

按萬姓統譜平熙寧中知施州事以招納蠻酋田現有功與熊本等同被賞格

元寇靖

按萬姓統譜靖自乾州倅爲鄆縣尹勤於撫字去任民懷其德立去思碑

明寇遵道

按萬姓統譜遵道中部人洪武中任四川僉事

寇義

按萬姓統譜義字宗彝平山人萊公之後永樂中知新野縣有能聲宣德中知鄧州正直嚴明聽訟卽知誠僞吏民不敢欺宿弊盡革賦役均平凡百廢墜一一修舉暇則詣課勵生徒城中掘地得一石云若要鄧州治還須寇公至其政績果能繼萊公云

寇厚

按萬姓統譜厚臨汾人永樂進士

寇源

按萬姓統譜源唐縣人宣德中舉人任知州

寇深

按萬姓統譜深字文淵唐縣人監生正統間僉都御史鎮守松茂瞻視有威將士事之如神番人款服犒賞加等不服隨便掩殺號令嚴明諸寨畏悚邊方寧謐景泰間累遷左都御史死於曹欽之難

謚莊肅

寇天叙

按萬姓統譜天叙字子惇榆次人正德進士授大理評事仕至兵部右侍郎卒弟天與子陽俱舉進士有才名

寇陽

按萬姓統譜陽榆次人由進士嘉靖八年知廣平縣操守堅確制事果斷人咸畏其明決由是堂堦清淨囹圄空虛累遷浙江僉事民到於今思之

寇姓部雜錄

日知錄寇氏姓譜出自武王弟康叔爲周司寇後人因以氏焉按康叔爲衛國之祖必無以王官氏其支庶之理此乃衛之司寇左傳哀公二十五年有司寇亥卽寇氏之祖也檀弓有司寇惠子

授姓部列傳

漢授異衆

按萬姓統譜昇衆丹陽人

佑姓部列傳

明 佑忠

按續文獻通考樂昌丞佑忠北流人

茂姓部列傳

漢 茂貢

按萬姓統譜貢沮陽令

明 茂彪

按萬姓統譜彪字宗彝安化人景泰甲戌進士任御史

茂鎮

按萬姓統譜鎮字靖之茂山衛指揮嘉靖中任山東副總兵

茂有績

按萬姓統譜有績高苑人嘉靖中陝西洛川縣丞

茂承貞

按萬姓統譜承貞綏德衛人萬曆間山西倒馬關參將

賈姓部列傳

漢 賈充國

按萬姓統譜充國字德卿博士

賈喜

按萬姓統譜喜見印藪

懋姓部列傳

明 懋國輔

按萬姓統譜國輔內丘人萬曆間山西叅將

繡姓部列傳

漢 繡君賓

按史記游俠傳馬領繡君賓名聞州郡恂恂謙退有君子之風

秀姓部列傳

明 秀芳

按萬姓統譜芳石泉人洪武中任禮部郎中

幼姓部列傳

漢 幼安

按萬姓統譜安見印藪

副姓擣姓鄧姓鏤姓廐姓灸姓袖姓冑姓舊姓瘿姓鄧姓檣姓檣姓檣姓琇姓詬姓陋姓候姓部

彙考

凌迪知萬姓統譜

副姓

副官氏志副呂氏改爲副

耨姓

耨本姓陸避事改爲耨女玉切廣州多此姓

鄧姓

鄧姓纂云越人以郡爲姓

鏤姓

鏤姓苑云遼東有此姓

廐姓

廐見姓苑

灸姓

灸見姓苑

袖姓

袖見姓苑

冑姓

冑見姓苑

舊姓

舊巨救切見姓苑

瘕姓

瘕見纂要

鄧姓

鄧音茂見直音

穰姓

穰音授見直音

穰姓

穰音授見直音

穰姓

穰音授見直音

琇姓

琇見姓苑

詬姓

詬見姓苑

咽姓

咽見姓苑

候姓

候周禮候人子孫因氏焉

聞姓部列傳